

周
易
鄭
注

下經夬傳第五

周易

漢鄭氏注 宋王應麟撰集

歸安丁 杰後定

武進張惠言訂正

三三

乾下兌上

夬揚于王庭注夬決也陽氣浸長至于五

五尊位也而陰先之是猶聖人積德說天下以漸消

去小人至於受命爲天子故謂之決

惠改作夬

揚越也五

互體乾乾爲君又居尊位王庭之象也陰爻越其上

小人乘君子罪惡上聞于聖人之朝故曰夬

王作決

揚

于王庭也

王無也字集解

孚號有厲告自邑不利卽戎利

有攸往初九壯于前趾往不勝爲咎九二惕號

音號釋文

莫夜

莫如字同上

注莫無也無夜非一夜

同上今本或作非号夜者誤

有戎勿恤九三壯于頄

同上誤作頄

惠

注頄夾面也上有

凶君子夬夬獨行遇雨若濡有愠无咎九四臀无膚

其行越越

越七私反越七餘反且作越且卻行不前也

釋文姚跋云次

姚誤引之惠又引越七餘反案釋文且本或作越或作踰同七餘反鄭既次字從越則且字為越可知陸

以與王弼或本同故不復牽羊悔亡聞言不信九五

苒陸**注**苒陸商陸也

釋文正義作苒陸一名商陸丁小正曰依宋本正義此句係

馬傳兼明書引之亦然但譌商為章耳

夬夬中行无咎上六无號終有

凶彖曰夬夬也剛決柔也健而說決而和揚于王庭

柔乘五剛也孚號有厲其危乃光也告自邑不利即

戎所尚乃窮也利有攸往剛長乃終也象曰澤上於天夫君子以施祿及下居德則忌不勝而往咎也有戎勿恤得中道也君子夫夫終无咎也其行赳赳位不當也聞言不信聰不明也中行无咎中未光也无號之凶終不可長也

三三

巽下 遯

釋文 女壯勿用取女注

姤

王作遯下同

遇也一

陰承五陽一女當五男苟相遇耳非禮之正故謂之

姤女壯如是壯健以

王作似

淫故不可取婦人以婉婉

爲其德也

集解

初六繫于金柅貞吉有攸往見凶羸豕

孚蹢躅

羸力追反

釋文

九二包有魚

包百交反

晁氏易云鄭作藥

釋文

无咎不利賓九三臀无膚其行赳赳

釋文見上卦

厲无大

咎九四包无魚起凶九五以杞包瓜

包百交反釋文丁云晁氏

易鄭讀為庖非

注杞柳也

釋文

含章有隕自天上九遘其舂吝

无咎彖曰遘遇也柔遇剛也勿用取女不可與長也

天地相遇品物咸章也剛遇中正天下大行也遘之

時義大矣哉象曰天下有風遘后以施命詰四方

起詰

一反音訓

會通誤作詰

注詰止也

釋文

王本胡本音訓

會通皆作正也今釋文

本亦有作正者

繫于金柅柔道牽也包有魚義不及賓也其

行赳赳行未牽也无魚之凶遠民也九五含章中正

也有隕自天志不舍命也遘其舂上窮吝也

䷁

坤下兌上

萃亨王假有廟利見大人亨利貞用大牲

吉利有攸往注萃聚也坤為順兌為說臣下以順道

承事其君說德居上待之上下相應有事而和通故

曰萃亨也

丁云釋文云馬鄭虞陸等並無亨字

假至

也互有艮巽巽

王無此字

為木艮為闕木在闕上宮室之

象也四本震爻震為長子五本坎爻坎為隱伏居尊

而隱伏鬼神之象長子入闕升堂祭祖禰之禮也故

曰王假有廟二本離爻也離為目居正應五故利見

大人矣大牲牛也言大人有嘉會時可幹事必殺牛

而以王作

盟既盟則可以往

王脫此字

故曰利往

集解

初六有

孚不終乃亂乃萃若號

號戶羔反晁氏曰號鄭為號咷

釋文

一握為

笑

注握當讀為夫三為屋之屋

釋文

勿恤往无咎六二

引吉无咎孚乃利用禴

注

禴夏祭名

同上

六三萃如嗟

如无攸利往无咎小吝九四大吉无咎九五萃有位

无咎匪孚元永貞悔亡上六齋咨涕洟

注

齋咨嗟歎

之辭也

辭姚作聲以上姚補

自目曰涕自鼻曰洟

同上

无咎彖曰

萃聚也順以說剛中而應故聚也王假有廟致孝享

也利見大人亨聚以正也用大牲吉利有攸往順天

命也觀其所聚而天地萬物之情可見矣象曰澤上

於地萃君子以除戎器

注

除去也

同上

戒不虞乃亂乃

萃其志亂也引吉无咎中未變也往无咎上巽也大
吉无咎位不當也萃有位志未光也齋咨涕洟未安
上也

三三

巽下坤上 昇

釋文 注

升

當作昇撮要引亦作升

義海上

也坤地巽木

木生地中日長而

義海撮要作於

上猶聖人在諸侯之中明

德日益高大也故謂之升升進益之象矣

玉無矣字惠作也

集解

元亨用見大人勿恤南征吉初六允昇大吉九二

孚乃利用禴无咎九三昇虛邑六四王用亨于岐山

亨許兩反

釋文 注

亨獻也

同上

吉无咎六五貞吉昇階上六

冥昇利于不息之貞彖曰柔以時昇巽而順剛中而

應是以大亨用見大人勿恤有慶也南征吉志行也
象曰地中生木昇君子以順德積小以高大允昇大
吉上合志也九二之孚有喜也昇虛邑无所疑也王
用亨于岐山順事也貞吉昇階大得志也冥昇在上
消不富也

三三

坎下兌上

困亨貞大人吉无咎

注坎爲月互體離

爲日兌爲暗昧日所入也今上弇

王作掩

日月之明猶

君子處亂世

集解諱改代今從王

爲小人所不容故謂之困也

君子雖困居險

惠誤儉

能說是以通而无咎也

集解有言

不信初六臀困于株木入于幽谷三歲不覿九二困

于酒食朱韍方來利用亨

王作

祀

注二據初辰在未

未爲土

王本誤作正

此二爲大夫有地之象未上值天厨

酒食象困于酒食者采地薄不足已用也二與日爲

體商爲鎮霍爻四爲諸侯有明德受命當王者商爲

火火色赤四爻辰在午時商氣赤又

惠改又

朱

連引是也文王將王天子制用朱

朱深云

云當爲于

韍十二字今刪

士冠禮正義

金先生云

詩斯于箋芾者

誤惠妄

赤

詩斯于正義天子純朱諸侯黃朱疏云純朱明其深也

改作曰

天子純朱諸侯黃朱疏云純朱明其深也

黃朱明其淺也

引乾鑿度天子之朝朱芾諸侯之朝

赤芾證朱芾爲純朱赤芾爲黃朱故引鄭氏困卦注

朱深於赤爲證今汲古閣本詩疏困卦爲內卦於

赤譌爲云赤幸上下文義可證云字之譌王氏浴譌

惠又改云爲曰適與鄭義違反惠言案七經孟子考

文宋板詩疏內卦內字尚作困故伯厚能探入注而

司馬氏卷五

五

定字竟不知所出此知集文不載出處誤後學不少征凶无咎六三困于石據

于蒺藜入于其宮不見其妻凶九四來徐徐困于金

車吝有終九五劓刖注劓刖當爲倪仇釋文困于赤紱

乃徐有說利用祭祀上六困于葛藟于臲臲曰動悔

有悔征吉彖曰困剛揜也險以說困而不失其所亨其

唯君子乎貞大人吉以剛中也有言不信尚口乃窮

也象曰澤无水困君子以致命遂志入于幽谷幽不

明也困于酒食中有慶也據于蒺藜乘剛也入于其

宮不見其妻不祥也來徐徐志在下也雖不當位有

與也劓刖志未得也乃徐有說以中直也利用祭祀

受福也困于葛藟未當也動悔有悔吉行也

三三

巽上下

井

注坎水也巽木桔槔也互體商兌商外

堅中虛瓶

惠脫瓶字

也兌為暗澤泉口也言桔槔引瓶下

入泉口汲水而出井之象也井以汲

字當為養

人水无空

竭猶君子以政教養天下惠澤无窮也

集解

井法也

文釋

改邑不改井无喪无得往來井井汔至亦未繙井

繙綆也

釋文

羸其瓶

注羸讀曰羸

同凶初六井泥不食

舊井无禽九二井谷射鮒

射音亦

甕敝漏

釋文

注九二

坎爻也坎為水上直巽生一

當為九

艮爻也艮為山

山下有井必因谷水

胡本多一本字

所生魚無大魚但多鮒

魚耳言微小也

王無此句盧召弓以爲此下並劉淵林語非鄭注

夫感動天

地此魚之至大射鮒井谷此魚之至小故以相况

文選

左太冲吳都賦注

三亭丁補

射厭也甕停水器也

文釋

九三井渫不食注

謂已浚渫也猶臣修正其身以事君也

文選王仲宣登樓賦注

爲我心惻可用汲王明竝受其福六四井甃无咎九

五井冽寒泉食上六井收勿幕有孚元吉彖曰巽乎

水而上水井井養而不窮也改邑不改井乃以剛中

也汔至亦未繙井未有功也羸其瓶是以凶也象曰

木上有水井君子以勞民勸相井泥不食下也舊井

无禽時舍也井谷射鮒无與也井渫不食行惻也求

王明受福也井絜无咎修井也寒泉之食中正也元吉在上大成也

三三

商下兌上

革注革改也

此句又見釋文

水火相息而更用事

猶王者受命改正朔易服色故謂之革也

惠無也字集解

巳日乃孚元亨利貞悔亡初九鞶用黃牛之革六二

巳日乃革之征吉无咎九三征凶貞厲革言三就有

孚九四悔亡有孚改命吉九五大人虎變未占有孚

上六君子豹變

臧補注云大人謂天子君子謂諸侯惠言謂儀禮士相見禮賈疏云君子

豹變據諸侯則大人虎變為天子可知謂鄭望文注

大人也禮記禮運孔疏云易革卦大人虎變對君子

豹變故大人為天子則鄭易注以大人為天子小人

革面征凶居貞吉彖曰革水火相息二女同居其志
不相得曰革已日乃孚革而信之文明以說大亨以
正革而當其悔乃亡天地革而四時成湯武革命順
乎天而應乎人革之時大矣哉象曰澤中有火革君
子以治歷明時鞏用黃牛不可以有爲也已日革之
行有嘉也革言三就又何之矣改命之吉信志也大
人虎變其文炳也君子豹變其文蔚也小人革面順
以從君也

三三

巽下
離上

鼎注

鼎象也卦有水

字誤王
本作木

火之用互體

乾兌乾爲金兌爲澤澤鍾金而舍

惠作
舍

水爨以木火

鼎亨孰物之象鼎亨孰以養人猶聖君興仁義之道

以教天下也故謂之鼎矣

集解

元吉亨初六鼎顛趾利

出否得妾以其子无咎

注

顛踣也趾足也無事曰趾

陳設曰足

二句又見詩七月正義

爻體巽

胡脫巽字

爲股初爻在股

之下足象也足所以承正鼎也初陰爻而柔與乾同

體以否正承

御覽誤正承爲趾象

乾乾爲君以喻君夫人事君

若失正禮踣爲其足之道情無怨則當以和義出之

然如否者嫁於天子雖失禮无出道廢遠之而已若

其无子不廢遠之后尊如故其犯六出則廢之

自嫁於天

子至此又見禮記內則正義廢遠之而已無之字如故無故字又見儀禮士昏禮疏不言注又詩河廣

正義有嫁於天子至而已自若
其无子以下十九字御覽無
遠之子廢坤為順又

為子毋牛惠增今字
在后妃之旁側妾之列王作例
也有順

德子必賢賢而立以為世子又何咎也
御覽一百四十六
九

二鼎有實我仇有疾注
怨耦曰仇釋文說云鄭以九四為

仇九二
不我能即吉九三鼎耳革其行塞雉膏不食注

雉膏食之美者今本者或作也誤釋文
方雨虧悔終吉九四鼎

折足覆公餗其形劓音屋釋文
周禮注云其刑劓音

屋漢上易云鄭作其形劓惠
定字九經古義云形古刑字
注糝謂之餗震為竹

竹萌曰筍筍者餗之為菜也
此句見釋文云餗菜也
是八珍之

食臣下曠官失君之美道當刑之於屋中
天官醢人疏又秋

官司烜氏疏引鄭義以為餽美饌鼎三足三公象若
三公傾覆王之美道屋中刑之又詩韓奕正義云餽
作簋鄭注以簋為八珍所用

凶六五鼎黃耳金鉉注金鉉喻明道

能舉君之官職也

文選潘安仁西征賦注潘正叔贈河陽詩注王元長三月三日

曲水詩序注

王仲寶褚淵碑文

利貞上九鼎玉鉉

大吉无不利彖曰鼎象也以木巽火亨飴也聖人亨

以亨上帝而大亨以養聖賢巽而耳目聰明柔進而

上行得中而應乎剛是以元亨象曰木上有火鼎君

子以正位凝命注

凝成也

釋文

鼎顛趾未悖也利出否

以從貴也鼎有實慎所之也我仇有疾終无尤也鼎

耳革失其義也覆公餗信如何也鼎黃耳中以爲實

也玉鉉在上剛柔節也

三三

震上震下震亨注震爲雷雷動物之氣也雷之發聲

猶人君出政教以動中國之人也故謂之震

以上亦見詩殷

其肅正義中國作國中之人也無也字

人君有善聲教則嘉會之禮通

矣

集解震來虩虩注虩虩恐懼貌釋文笑言啞啞注啞啞

樂也

同上震驚百里不喪匕鬯注驚之言警惠諤作戒

也

此句集解無雷發聲聞於百里古者諸侯之象諸

侯出教令能警戒其國內

以上又見詩殷其肅正義

出教令出上有之字能警戒

無能字國內作國疆之內則守其宗廟社稷爲之

祭主不亡匕與鬯也人君於祭之禮匕牲體薦鬯而

已其餘不親也

自雷發聲至此又見儀禮特牲饋食疏問於無聞字之象無之字戒其無

其字不亡下有其字也無也字於升牢於俎君匕祭之禮無之禮二字不親下有為字

之臣載之鬯秬酒芬芳脩

王作鬯因名焉集解正義引鄭元

云人君於祭祀之禮尚牲薦鬯而已其餘不足觀也

又云鄭元之義秬鬯之酒其氣條暢故謂之鬯又周

禮夏官太僕疏引當發聲百里者諸侯之象初九震

人君於祭祀之禮匕牲薦鬯而已其餘不親

來虩虩後笑言啞啞吉六二震來厲億喪貝

億於力反釋

文

注十萬日億

同躋于九陵勿逐七日得六三震蘇

蘇注蘇蘇不安也

同震行无眚九四震遂泥六五震

往來厲億无喪有事上六震索索視矍矍注索索猶

縮縮足不正也矍矍目不正

同征凶震不于其躬于

其鄰无咎婚誨有言彖曰震亨震來虩虩恐致福也
笑言啞啞後有則也震驚百里驚遠而懼邇也出可
以守宗廟社稷以爲祭主也象曰洊雷震君子以恐
懼脩省震來虩虩恐致福也笑言啞啞後有則也震
來厲乘剛也震蘇蘇位不當也震遂泥未光也震往
來厲危行也其事在中大无喪也震索索中未得也
雖凶无咎畏鄰戒也

三三艮上艮其背注艮爲山山立峙各於其所无相

順之時猶君在上臣在下恩敬不相與通故謂之艮

也集艮之言很也釋文音訓會通很作限不獲其身行其庭不

見其无咎初六艮其趾无咎利永貞六二艮其腓

不拯其隨其心不快九三艮其限列其夤

釋文音訓會通夤

誤

注限要也

釋文

厲薰心六四艮其身无咎六五艮其

輔言有序悔亡上九敦艮吉彖曰艮止也時止則止
時行則行動靜不失其時其道光明艮其止止其所
也上下敵應不相與也是以不獲其身行其庭不見
其人无咎也象曰兼山艮君子以思不出其位艮其
趾未失正也不拯其隨未退聽也艮其限危薰心也
艮其身止諸躬也艮其輔以中正也敦艮之吉以厚
終也

三三

艮下
巽上

漸女歸吉利貞初六鴻漸于干注干謂大

水之旁故停水處

惠多者字誤以斯干正義足句字
為本文

詩伐檀正義

斯干正

義

釋文無謂
大二字及之字

小子厲有言无咎六二鴻漸于磐飲

食衎衎吉九三鴻漸于陸夫征不復婦孕不育注九

三上與九五互體為離離為火腹孕之象也又互體

為坎坎為丈夫坎為水水流而去是夫征不復也夫

既不復則婦人之道顛覆故孕而不育

郊特牲正義
不言鄭注文

孕猶娠也

釋文

凶利禦寇六四鴻漸于木或得其桷无

咎九五鴻漸于陵婦三歲不孕終莫之勝吉上九鴻

漸于陸其羽可用為儀吉彖曰漸之進也女歸吉也

進得位往有功也進以正可以正邦也其位剛得中也止而巽動不窮也象曰山上有木漸君子以居賢德善俗小子之厲義无咎也飲食衎衎不素飽也夫征不復離羣醜也注離猶去也釋婦孕不育失其道也利用禦寇順相保也或得其桷順以巽也終莫之勝吉得所願也其羽可用為儀吉不可亂也

三三

兌下震上

歸妹征凶无攸利初九歸妹以娣跛能履

征吉九二眇能視利幽人之貞六三歸妹以須注須

有

周禮疏無有字

才智之稱

句又見釋文

天文有須女屈原之姊

宋本詩疏作娣今或誤作妹王作姊惠改作妹從俗本非也

名女須

詩桑扈正義周禮天官

序官疏

反歸以娣九四歸妹愆期遲歸有時六五帝乙

歸妹其君之袂不如其娣之袂良月幾望吉上六女

承匡無實

釋文盧召弓云宋本

注宗廟之禮主婦

奉筐

當爲

米儀禮特牲饋食禮疏

士昏禮云婦入三月而後祭

行

詩葛履正義

士刲羊無血无攸利彖曰歸妹天地之大

義也天地不交而萬物不興歸妹人之終始也說以

動所歸妹也征凶位不當也无攸利柔乘剛也象曰

澤上有雷歸妹君子以永終知敝歸妹以娣以恆也

跛能履吉相承也利幽人之貞未變常也歸妹以須

未當也愆期之志有待而行也帝乙歸妹不如其娣

之袂良也其位在中以貴行也上六无實承虛匡也

下經夬傳第五終

下經豐傳第六

周易

漢鄭氏注——宋王應麟撰集

歸安丁 杰後定

武進張惠言訂正

三三

商下震上

豐

注豐之言腆

惠改典

充滿意也

釋文

亨王假

之勿憂宜日中初九遇其妃主

同上

注嘉耦曰妃

同上雖

旬无咎

注初脩禮上朝四四以匹敵恩厚待之雖畱

十日不為咎正以十日

宋本詩正義作旬日

者朝聘之禮止於

主國以為限聘禮畢歸大禮曰旬而稍旬之外為稍

久畱非常

詩有客正義

往有尚六二豐其蔀

釋文

注蔀小席

同日中見斗往得疑疾有孚發若吉九三豐其蔀

同上

宋本釋文作葦俗本作韋惠改從韋非是

注葦祭祀之蔽膝同上日中見

昧同上折其右肱无咎**注**三艮爻艮爲手互體爲巽巽

又爲進退手而便於進退右肱也猶大臣用事於君

君能誅之故无咎儀禮觀禮疏九四豐其蔀日中見斗遇

其夷主吉六五來章有慶譽吉上六豐其屋蔀其家

闕其戶聞其无人**注**間无人貌釋文三歲不覲凶彖曰

豐大也明以動故豐王假之尚大也勿憂宜日中宜

照天下也日中則昃月盈則食**注**言皆有休已无常

盛惠多也字公羊傳定十五年疏天地盈虛與時消息而況於人

乎況於鬼神乎彖曰雷電皆至豐君子以折獄致刑

雖旬无咎過旬災也有孚發若信以發志也豐其芾

不可大事也折其右肱終不可用也豐其蔀位不當

也日中見斗幽不明也遇其夷主吉行也六五之吉

有慶也豐其屋天際祥也釋文注際當為療療病也同上

闕其戶聞其無人自戕也釋文云注戕傷也同上

三三艮下旅小亨旅貞吉初六旅瑣瑣斯其所取災

注瑣瑣猶小小王有也字此句又爻互體艮艮小

石小小之象三為聘客初與二其介也介當以篤實

之人為之而用小人瑣瑣然客主人為言不能辭曰

非禮不能對曰非禮每者不能以禮行之胡惠並則

其所以得罪

儀禮聘禮記疏

六二旅卽次懷其資得童僕貞

九三旅焚其次喪其童僕貞厲九四旅于處得其齊

斧

釋文云衆家同

我心不快六五射雉一矢亡終以譽命上

九鳥焚其巢旅人先笑後號咷喪牛于易凶彖曰旅
小亨柔得中乎外而順乎剛止而麗乎明是以小亨
旅貞吉也旅之時義大矣哉象曰山上有火旅君子
以明慎用刑而不留獄旅瑣瑣志窮災也得童僕貞
終无尤也旅焚其次亦以傷矣以旅與下其義喪也
旅于處未得位也得其齊斧心未快也終以譽命上
逮也以旅在上其義焚也喪牛于易終莫之聞也

三三

巽上巽下

巽小亨利有攸往利見大人初六進退利

武人之貞九二巽在牀下用史巫紛若吉无咎九三

頻巽吝

釋文于王注頻願云此同鄭意

六四悔亡田獲三品九五貞

吉悔亡无不利无初有終先庚三日後庚三日吉上

九巽在牀下喪其齊斧貞凶彖曰重巽以申命剛巽

乎中正而志行柔皆順乎剛是以小亨利有攸往利

見大人彖曰隨風巽君子以申命行事進退志疑也

利武人之貞志治也紛若之吉得中也頻巽之吝志

窮也田獲三品有功也九五之吉位正中也巽在牀

下上窮也喪其齊斧正乎凶也

三三兌下兌亨利貞初九和兌吉九二孚兌吉悔亡

六三來兌凶九四商兌注商隱度也未寧介疾有

喜九五孚于剝有厲上六引兌彖曰兌說也剛中而

柔外說以利貞是以順乎天而應乎人說以先民民

忘其勞說以犯難民忘其死說之大民勸矣哉象曰

離澤兌釋文離猶併也同君子以朋友講習和兌之

吉行未疑也孚兌之吉信志也來兌之凶位不當也

九四之喜有慶也孚于剝位正當也上六引兌未光

也

三三坎下渙亨王假有廟利涉大川利貞初六用拯

巽上

馬壯吉九二渙奔其机悔亡六三渙其躬无悔六四

渙其羣元吉渙有王匪夷所思九五渙汗其大號注

庄補
號令也

文選張平子
東京賦注

渙王居无咎上九渙其血去逖

出无咎彖曰渙亨剛來而不窮柔得位乎外而上同
王假有廟王乃在中也利涉大川乘木有功也象曰
風行水上渙先王以亨于帝立廟初六之吉順也渙
奔其机得願也渙其躬志在外也渙其羣元吉光大
也王居无咎正位也渙其血遠害也

三三

兌下
坎上

節亨苦節不可貞初九不出戶庭无咎九

二不出門庭凶六三不節若則嗟若无咎六四安節

亨九五甘節吉往有尚上六苦節貞凶悔亡彖曰節
亨剛柔分而剛得中苦節不可貞其道窮也說以行
險當位以節中正以通天地節而四時成節以制度
不傷財不害民注空府藏則傷財力役繁則害民二
者奢泰之所致後漢書王符傳注象曰澤上有水節君子以
制數度議德行不出戶庭知通塞也不出門庭凶失
時極也不節之嗟又誰咎也安節之亨承上道也甘
節之吉居位中也苦節貞凶其道窮也

三三

兌下
巽上

中孚豚魚吉

注

三辰在亥亥爲豕爻失正

故變而從小名言豚耳四辰在丑丑爲鼃蟹鼃蟹魚

之微者爻得正故變而從大名言魚耳三惠改體兌

兌為澤四上值天淵二五皆坎爻坎為水二浸澤則

豚利五亦以水灌淵則魚利豚魚以喻小民也而為

明君賢臣恩意所供養故吉詩無羊正義 易緯稽覽圖末簡有一條與此

畧同蓋即鄭易注也附錄之云孚信也兩陰在內亦

以五以中和之氣候之兩陰猶民于君在上矣臣在

下候行中正之道政教信于民故謂之中孚兩陰者

三辰在亥為豕爻失正故變而為小名言豚四辰在

丑為鼃鼃魚之微者爻為正變以其大節言魚三體

兌為澤四值天淵二五皆坎爻如水水以水度浸澤

所養故吉互體是震震為木二爻巽為風木在水上

而風行之濟大川象君能濟於難也中多錯誤不可

正利涉大川利貞初九虞吉有它不燕九二鳴鶴在

陰其子和之我有好爵吾與爾靡之六三得敵或鼓

或罷或泣或歌六四月幾望馬匹亡无咎九五有孚
攣如无咎上九翰音登于天貞凶彖曰中孚柔在內
而剛得中說而巽孚乃化邦也豚魚吉信及豚魚也
利涉大川乘木舟虛也注舟謂其板如今自空大木
惠作目空木
大未知何據
爲之曰虛詩谷風正義
中孚以利貞乃應乎
天也象曰澤上有風中孚君子以議獄緩死初九虞
吉志未變也其子和之中心願也或鼓或罷位不當
也馬匹亡絕類上也有孚攣如位正當也翰音登于
天何可長也

三三

艮下震上

小過亨利貞可小事不可大事飛鳥遺之

音不宜上

上如字
釋文

注上謂君也

上同

宜下大吉初六飛

鳥以凶六二過其祖遇其妣不及其君遇其臣无咎
九三弗過防之從或戕之凶九四无咎弗過遇之往
厲必戒勿用永貞六五密雲不雨自我西郊公弋取
彼在穴上六弗遇過之飛鳥離之凶是謂災眚彖曰
小過小者過而亨也過以利貞與時行也柔得中是
以小事吉也剛失位而不中是以不可大事也有飛
鳥之象焉飛鳥遺之音不宜上宜下大吉上逆而下
順也彖曰山上有雷小過君子以行過乎恭喪過乎
哀用過乎儉飛鳥以凶不可如何也不及其君臣不

可過也從或戕之凶如何也弗過遇之位不當也往

厲必戒終不可長也密雲不雨已尚也釋文注尚庶幾

也同上弗遇過之已亢也

三三離下坎上既濟注既已也盡也濟度也釋文亨小利貞

初吉終亂初九曳其輪濡其尾无咎六二婦喪其茀

注茀車蔽也同上勿逐七日得九三高宗伐鬼方三年

克之小人勿用六四繻有衣袽繻音須終日戒九五

東鄰殺牛不如西鄰之禴祭注互體為坎也王無又

互體為離離為日坎為月日出東方東鄰象也月出

西方西鄰象也禮記坊記正義禴夏祭之名詩天保正義實受其

福上六濡其首厲象曰既濟亨小者亨也利貞剛柔
正而位當也初吉柔得中也終止則亂其道窮也象
曰水在火上既濟君子以思患而豫防之曳其輪義
无咎也七日得以中道也三年克之憊也注憊劣弱
也釋文終日戒有所疑也東鄰殺牛不如西鄰之時也
實受其福吉大來也濡其首厲何可久也

三三

坎下
離上

未濟亨小狐汔濟

注汔幾也

釋文

濡其尾无

攸利初六濡其尾吝九二曳其輪貞吉六三未濟征
凶利涉大川九四貞吉悔亡震用伐鬼方三年有賞
于大國六五貞吉无悔君子之光有孚吉上九有孚

于飲酒无咎濡其首有孚失是彖曰未濟亨柔得中也小狐汔濟未出中也濡其尾无攸利不續終也雖不當位剛柔應也象曰火在水上未濟君子以慎辨物居方濡其尾亦不知極也九二貞吉中以行正也未濟征凶位不當也貞吉悔亡志行也君子之光其暉吉也飲酒濡首亦不知節也

下經豐傳第六終

繫辭上第七

周易

漢鄭氏注——宋王應麟撰集

歸安丁 杰後定

武進張惠言訂正

天尊地卑乾坤定矣卑高以陳貴賤位矣注君臣尊卑之貴賤如山澤之有高卑也禮記正義動靜有常剛

柔斷矣注動靜雷風也

禮記正義

方以類聚物以羣分

注類聚羣分謂水火也

禮記正義

吉凶生矣在天成象

注成象日月星辰也

禮記正義

在地成形注謂草木鳥

獸也

相摩八卦相蕩

禮記正義

變化見矣是故剛柔

相摩八卦相蕩

相摩八卦相蕩

釋文云

鼓之以雷霆潤之以風雨日

月運行一寒一暑乾道成男坤道成女乾知大始坤

作成物乾以易知

易音亦釋文

注佼易

詩天作正義

坤以簡能

易則易知簡則易從易知則有親易從則有功有親則可久有功則可大可久則賢人之德可大則賢人之業易簡而天下之理得矣天下之理得而成位乎其中矣

聖人設卦觀象繫辭焉而明吉凶剛柔相推而生變化是故吉凶者失得之象也悔吝者憂虞之象也變化者進退之象也剛柔者晝夜之象也六爻之動三極之道也

注

三極三才也

釋文

是故君子所居而安者

易之序也所樂而翫者

釋文

爻之辭也是故君子居則

觀其象而翫其辭動則觀其變而翫其占是以自天

祐之吉无不利彖者言乎象者也爻者言乎變者也

吉凶者言乎其失得也悔吝者言乎其小疵也无咎

者善補過也是故列貴賤者存乎位齊小大者存乎

卦辯吉凶者存乎辭憂悔吝者存乎介震无咎者存

乎悔

注震懼也

釋文是故卦有大小辭有險易辭也者

各指其所之易與天地準

注準中也平也

同故能彌

綸天地之道仰以觀於天文俯以察於地理是故知

幽明之故原始及終

同

故知死生之說

精氣爲物遊魂爲變是故知鬼神之情狀與天地相

似故不違

注

精氣謂七八也遊魂謂九六也七八木

火之數也

王無也字

九六金水之數木火用事而物生故

曰精氣爲物金水用事而物變故曰遊魂爲變精氣

謂之神遊魂謂之鬼木火生物金水終物二物變化

其情與天地相似故无所差違之也

集解

禮記樂記正義引之云

精氣謂七八遊魂謂九六遊魂謂之鬼物終所歸精

氣謂之神物生所信也言木火之神生物東南金水

之鬼終物西北二者之情其狀與春夏生物秋冬終

物相似又月令正義引之云精氣謂七八遊魂謂九

六則是七八生物九六終物是也又中庸正義引知

周乎萬物而道濟天下

注

道當作導

釋文

故不過旁行

而不流樂天知命故不憂安土敦乎仁故能愛範圍

天地之化而不過注範法也釋文曲成萬物而不遺通

乎晝夜之道而知故神无方而易无體一陰一陽之

謂道繼之者善也成之者性也仁者見之謂之仁知

者見之謂之知百姓日用而不知故君子之道姚眇作

眇注矣釋文注眇少也同

顯諸仁臧諸用釋文注臧善也同鼓萬物而不與聖人

同憂盛德大業至矣哉富有之謂大業注兼濟萬物

故曰富有御覽四百七十一日新之謂盛德生生之謂易成

象之謂乾效法之謂坤極數知來之謂占通變之謂

事陰陽不測之謂神夫易廣矣大矣以言乎遠則不
禦以言乎邇則靜而正以言乎天地之間則備矣夫
乾其靜也專其動也直是以大生焉夫坤其靜也翕
其動也闢是以廣生焉廣大配天地變通配四時陰
陽之義配日月易簡之善配至德子曰易其至矣乎
夫易聖人所以崇德而廣業也知崇禮卑崇效天卑
法地天地設位而易行乎其中矣成性存存道義
之門

聖人有以見天下之賾而擬諸其形容象其物宜是
故謂之象聖人有以見天下之動而觀其會通以行

其典禮繫辭焉以斷其吉凶是故謂之爻言天下之

至蹟

蹟惠改作蹟

而不可惡也

惡烏洛反作落

姚

言天下之

至蹟而不可亂也

同上

注蹟當為動

同上

擬之而後言儀

之而後動

同上

汲古閣雅雨堂本釋文並云鄭姚恒元荀柔之作儀之他本云陸姚恒元荀

柔之未知孰是

擬議以成其變化鳴鶴在陰其子和之我有

好爵吾與爾靡之子曰君子居其室出其言善則千

里之外應之況其邇者乎居其室出其言不善則千

里之外違之況其邇者乎言出乎身加乎民行發乎

邇見乎遠言行君子之樞機樞機之發榮辱之主也

注樞戶樞也機弩牙也

禮記正義作樞謂

戶樞之發

或明或闇弩牙之發或中或否以譬言語之發有榮

有辱

禮記正義作以喻君子之言或榮或辱左傳襄二十五年正義禮記曲禮正義臧在東

云曲禮安定辭注引易曰言語者君子之樞機正義

云彼為言行鄭證經解無取於行故變文為語非也

左傳非文辭不為功慎辭哉杜註樞機之發榮辱之

主正義引鄭易注云以譬言語之發有榮有辱與此

注所引經正合可知鄭本經文是言語今作言行為

失其真杜注左傳時尚作言語孔疏禮記時已作言

行丁小正云抱朴子外篇疾謬正郭兩篇引易樞

機俱專指言語盧景宣大戴踐阼篇機銘注亦云言

為榮辱言行君子之所以動天地也可不慎乎同人

先號咷而後笑子曰君子之道或出或處或默或語

二人同心其利斷金同心之言其臭如蘭注蘭香草

也

文選張平子東京賦注

初六藉用白茅无咎子曰苟錯諸地

而可矣藉之用茅何咎之有慎之至也夫茅之爲物

薄而用可重也慎斯術也

慎時震反

注術道

釋文以往

其无所失矣勞謙君子有終吉子曰勞而不伐有功

而不置

注置當爲德

釋文王本作置當作誌

厚之至也語以其

功下人者也德言盛禮言恭謙也者致恭以存其位

者也亢龍有悔子曰貴而无位高而无名賢人在下

位而无輔是以動而有悔也不出戶庭无咎子曰亂

之所生也則言語以爲階君不密則失臣臣不密則

失身幾事不密則害成

注幾微也

密靜也言不慎乎

微而以動作則禍變必成

公羊傳文五年疏

是以君子慎密

而不出也子曰作易者其知盜乎易曰負且乘致寇

至負也者小人之事也乘也者君子之器也小人而

乘君子之器盜思奪之矣上慢下暴盜思伐之矣慢

藏誨盜野容誨淫文釋注言妖野容儀教誨淫佚也王

下句惠補而刪謂惠刪飾其容而見於外曰冶當作野惠

改後漢書易曰負且乘致寇至盜之招也

大衍之數五十其用四十有九注天地之數五十有

五以五行氣通劉牧鉤隱圖引作以五行氣通於萬物凡五行減五大

衍又減一故四十九也正義藏在東云此即衍演

也釋天一生水於北地二生火於南天三生木於東

地四生金於西天五生土於中陽無耦陰無配

東云

周禮校人疏云陽無匹陰無耦洪範正義云陽無匹

陰無偶二疏雖不稱鄭以此疏驗之蓋亦鄭易注陽

日匹陰曰耦此疏誤也惠言謂左傳正義地六為天

一匹是陽稱匹天七為地二耦是陰稱耦臧說是也

未得相成地六成水於北與天一并天七成火於南

與地二并地八成木於東與天三并天九成金於西

與地四并地十成土於中與天五并也

惠刪也字

大衍之

數五十有五五行各氣并氣并而減五惟有五十以

五十之數不可以為七八九六卜筮之占以用之故

惠無

更減其一故四十有九也

月令正義

義海撮

故字要引作天地之數五

十有五其六以象六畫之數故減之用

分而為二以

四十九象鄭無象六畫之義謬妄之甚

周易鄭注卷七

六 湖海樓藏本

象兩掛一以象三揲之以四以象四時注揲取也

釋文

歸奇於扚以象閏五歲再閏故再扚而後掛天數五

地數五五位相得而各有合注天地之氣各有五五

行之次一曰水天數也二曰火地數也三曰木天數

也四曰金地數也五曰土天數也此五者陰無匹陽

無耦故又合之地六爲天一匹也天七爲地二耦也

地八爲天三匹也天九爲地四耦也地十爲天五匹

也二五陰陽各有合然後氣相得施化行也

左傳昭九年正

義天數二十有五地數三十凡天地之數五十有五

此所以成變化而行鬼神也乾之策二百一十有六

坤之策百四十有四凡三百有六十當期之日二篇之策萬有一千五百二十當萬物之數也是故四營而成易十有八變而成卦八卦而小成引而伸之觸類而長之天下之能事畢矣顯道神德行是故可與酬酢可與祐神矣

子曰知變化之道者其知神之所爲乎易有聖人之道四焉以言者尚其辭以動者尚其變以制器者尚其象以卜筮者尚其占

注此者存於器象可得而用

春官大卜疏孫頤谷云此者當爲此四者字脫也韓康伯注云此四者存乎器象可得而用也蓋襲用鄭語王引一切器物及造立皆是而刪此者二字非也是故君子將有爲也將

有行也問焉而以言其受命也如嚮无有遠近幽深
遂知來物非天下之至精其孰能與於此參伍以變
錯綜其數通其變遂成天地之文極其數遂定天下
之象非天下之至變其孰能與於此易无思也无爲
也寂然不動感而遂通天下之故非天下之至神其
孰能與於此夫易聖人之所以極深而研機也注研
丁喻思慮哲文選潘元茂冊魏公九錫文注又陸士衡
當爲也機當作幾幾微也釋唯深也故能通天下之
字之譌志唯機也故能成天下之務唯神也故不疾而速不
行而至子曰易有聖人之道四焉者此之謂也

天一地二天三地四天五地六天七地八天九地十

子曰夫易何爲者也夫易開物成務冒天下之道如

斯而已者也是故聖人以通天下之志以定天下之

業以斷天下之疑是故著之德圓而神注著形圓而

可以立變化之數故謂之神也儀禮少牢饋食禮疏卦之德方

以知六爻之義易以貢聖人以此洗心退藏於密吉

凶與民同患神以知來知以藏往其孰能與於此哉

古之聰明叡知神武而不殺者夫殺所戒反釋文注不意

殺也易是以明於天之道而察於民之故是興神

物以前民用聖人以此齊戒以神明其德釋文云衆家皆以夫

字爲下句夫是故闔戶謂之坤闔戶謂之乾一闔一闢謂

之變往來不窮謂之通見乃謂之象形乃謂之器制

而用之謂之法利用出入民咸用之謂之神

是故易有大極注極中之道淳和未分之氣也

文選張茂

先勵志詩注

是生兩儀兩儀生四象四象生八卦八卦定

吉凶吉凶生大業是故法象莫大乎天地變通莫大

乎四時縣象著明莫大乎日月崇高莫大乎富貴備

物致用立成器以爲天下利莫大乎聖人探賾索隱

鉤深致遠以定天下之吉凶成天下之亹亹者莫大

乎蓍龜

釋文云莫善本亦作莫大丁小正云公羊注引易文作莫善徐彥疏云今易本善作大爲

異卽引彼注云云知鄭易作大不注凡天下之善惡

作善注文廣大無不包正詁大字注及沒沒之衆事皆成定之言其廣大無不包也公羊傳定

八年疏不云鄭注公羊疏是故天生神物聖人則皆用鄭義此注是鄭可知

之天地變化聖人效之天垂象見吉凶聖人象之河

出圖洛出書聖人則之注春秋緯云河以通乾出天

苞洛以流坤吐地符河龍圖發洛龜書感惠謨成河圖

有九篇洛書有六篇也集解正義易有四象所以示也繫

辭焉所以告也定之以吉凶所以斷也易曰自天祐

之吉无不利子曰祐者助也天之所助者順也人之

所助者信也履信思乎順有以尚賢也釋文是以自天

祐之吉无不利也

子曰書不盡言言不盡意然則聖人之意其不可見乎子曰聖人立象以盡意設卦以盡情僞繫辭焉以盡其言變而通之以盡利鼓之舞之以盡神乾坤其易之緼耶乾坤成列而易立乎其中矣乾坤毀則无以見易易不可見則乾坤或幾乎息矣是故形而上者謂之道形而下者謂之器化而裁之謂之變推而行之謂之通舉而錯之天下之民謂之事業是故夫象聖人有以見天下之賾而擬諸其形容象其物宜是故謂之象聖人有以見天下之動而觀其會通以

行其典禮繫辭焉以斷其吉凶是故謂之爻極天下之賾者存乎卦鼓天下之動者存乎辭化而裁之存乎變推而行之存乎通神而明之存乎其人默而成之不言而信存乎德行

繫辭上第七

繫辭下第八

周易

漢鄭氏注 宋王應麟撰集

歸安丁 杰後定
武進張惠言訂正

八卦成列象在其中矣因而重之爻在其中矣剛柔
相推變在其中矣繫辭焉而命之動在其中矣吉凶
悔吝者生乎動者也剛柔者立本者也變通者趣時
者也吉凶者貞勝者也天地之道貞觀者也日月之
道貞明者也天下之動貞夫一者也夫乾確然示人
易矣夫坤隤然示人簡矣爻也者效此者也象也者
像此者也爻象動乎內吉凶見乎外功業見乎變聖

人之情見乎辭天地之大德曰生聖人之大寶曰位

何以守位曰人注持一不惑曰守詩鳧鷖正義不

案詩守成之何以聚人曰財理財正辭禁民爲非曰

義

古者包犧氏之王天下也注包取王作聚也鳥獸全具

曰犧釋文仰則觀象於天俯則觀法於地觀鳥獸之文

與地之宜近取諸身遠取諸物於是始作八卦以通

神明之德以類萬物之情作結繩而爲罔罟以佃以

漁蓋取諸离包犧氏沒神農氏作注女媧修伏犧之

道無改作書正義斲木爲耜揉木爲耒耒耨之利以

教天下蓋取諸益日中為市致天下之民聚天下之

貨交易而退各得其所蓋取諸噬嗑神農氏沒黃帝

堯舜氏作注金天

惠補

惠多氏字

高陽高辛遵黃帝之道無所

改作故不述焉

惠刪此句春官大司樂疏

通其變使民不倦神而

化之使民宜之易窮則變變則通通則久是以自天

祐之吉无不利黃帝堯舜垂衣裳而天下治蓋取諸

乾坤注始去羽毛

惠補

公羊傳桓四年疏不云鄭注

乾為天坤為地天

色立地色黃故立以為衣黃以為裳象天在上地

下土託位於南方南方故云用纁

詩七月正義

又

注云土託位南方南方色赤黃而兼赤故為纁也

又周禮春官司服疏引注云乾為天其色元坤為地

其色黃但土無正位託於南方火赤色亦與黃卽是纁色故以纁爲名也剝木爲舟剝木

爲楫舟楫之利以濟不通致遠以利天下蓋取諸渙

服牛乘馬引重致遠以利天下蓋取諸隨重門擊柝

惠並以待號國客蓋取諸豫釋文注豫坤下震上九四

體震又互體爲艮艮爲門震日所出亦爲門重門象

艮又爲手巽爻也應在四皆木也手持二木也手持

二木以相敲是爲擊柝擊柝爲守備警惠作戒也自

持至此又見左傳哀七年疏四又互體爲坎坎爲盜

不重擊柝字又無下爲字字誤惠改作持戈兵是暴

五離爻爲甲冑戈兵盜謂甲冑二字持戈兵是暴

當作號惠改客也又以其卦爲豫有守備則不可自逸周禮

天宮宮

正疏 斷木爲杵掘地爲白白杵之利萬民以濟蓋

取諸小過弦木爲弧剡木爲矢弧矢之利以威天下

蓋取諸睽上古穴居而野處後世聖人易之以宮室

上棟下宇以待風雨蓋取諸大壯古之葬者厚衣之

以薪葬之中野不封不樹喪期無數後世聖人易之

以棺槨蓋取諸大過注大過者巽下兌上之卦初六

在巽體巽爲木上六位在巳巳當巽位巽又爲木二

木在外以夾四陽四陽互體爲二乾乾爲君原有爲

正義父二木夾君父是棺槨之象檀弓正義不言

無之父二木夾君父是棺槨之象注文工附於末惠

是也上古結繩而治注事大大結其繩事小小結

其繩

正義

又見書孔序正義無二結字首有爲後約二字胡又增結繩二字於上爲句妄矣

後

世聖人易之以書契

注

書之以木刻其側爲契各持

其一後以相考合

書孔序正義云以書書木邊言其事刻其木謂

之書

契也

百官以治萬民以察蓋取諸夬

釋文云衆家皆云像擬也

是故易者象也象也者像也

象者材也

爻也者效天下之動者也

是故吉凶生而悔吝著也

陽卦多陰陰卦多陽其故何也

陽卦奇陰卦耦其德行何也

陽一君而二民

注

一君二民謂黃帝堯舜謂地方萬里

小人之道也爲方千里者百中國之民居七千里七七四十九方

千里者四十九夷狄之民居千里者五十一是中國
夷狄二民共事一君二君一民謂三代之末以地方
五千里一君有五千里之土五五二十五更足以一
君二十五始滿千里之方五十乃當堯舜一民之地
故云二君一民

禮記王制正義

易曰憧憧往來朋從爾思子

曰天下何思何慮天下同歸而殊塗一致而百慮天
下何思何慮日往則月來月往則日來日月相推而
明生焉寒往則暑來暑往則寒來寒暑相推而歲成
焉往者屈也來者信也屈信相感而利生焉尺蠖之
屈以求信也龍蛇之蟄以存身也精義入神以致用

也利用安身以崇德也過此以往未之或知也窮神知化德之盛也

易曰困于石據于蒺藜入于其宮不見其妻凶子曰非所困而困焉名必辱非所據而據焉身必危旣辱且危死期將至妻其可得見耶易曰公用射隼于高墉之上獲之无不利子曰隼者禽也弓矢者器也射之者人也君子藏器於身待時而動何不利之有動而不括是以出而有獲語成器而動者也子曰小人不恥不仁不畏不義不見利不勸不威不懲小懲而大誡此小人之福也易曰屢校滅趾无咎此之謂也

善不積不足以成名惡不積不足以滅身小人以小
善爲无益而弗爲也以小惡爲无傷而弗去也故惡
積而不可掩罪大而不可解易曰何校滅耳凶子曰
危者安其位者也亡者保其存者也亂者有其治者
也是故君子安而不忘危存而不忘亡治而不忘亂
是以身安而國家可保也易曰其亡其亡繫于苞桑
子曰德薄而位尊知小而謀大力小而任重鮮不及
矣易曰鼎折足覆公餗其形渥凶言不勝其任也子
曰知幾其神乎君子上交不諂下交不瀆其知幾乎
幾者動之微吉之先見者也君子見幾而作不俟終

日易曰斫于石不終日貞吉斫如石焉寧用終日斷

可識矣君子知微知彰知柔知剛萬夫之望子曰顏

氏之子其殆庶幾乎注庶幸也幾覲也詩兔爰有不

善未嘗不知知之未嘗復行也易曰不遠復无祇悔

元吉天地絪縕萬物化醇男女親精注覲合也男女

以陰陽合其精氣詩草蟲萬物化生易曰三人行則

損一人一人行則得其友言致一也子曰君子安其

身而後動易其心而後語定其交而後求君子脩此

三者故全也危以動則民不與也懼以語則民不應

也无交而求則民不與也莫之與則傷之者至矣易

曰莫益之或擊之立心勿恆凶

子曰乾坤其易之門戶耶

臧在東云釋文其易之門耶本又作門戶耶案鄭易

贊引作門戶耶是鄭本有戶字

乾陽物也坤陰物也陰陽合德而剛

柔有體以體天地之撰以通神明之德其稱名也雖

而不越於稽其類其衰世之意耶夫易彰往而察來

而微顯闡幽開而當名辯物正言斷辭則備矣其稱

名也小其取類也大其旨遠其辭文其言曲而中其

事肆而隱因貳以濟民行注貳當爲式

王吳作式以釋文

明失得之報

易之興也其於中古乎

集解虞氏云鄭君以文王爲中古

作易者其

有憂患乎

注

文王因而演易

正義八論

是故履德之基也

謙德之柄也復德之本也恆德之固也損德之脩也

注脩治也

釋文

益德之裕也困德之辯也

惠譌作辨

注辯別

也遭困之時君子固窮小人窮則濫德於是別也

集解

井德之地也巽德之制也履和而至謙尊而光復小

而辯於物恆雜而不厭損先難而後易益長裕而不

設注設大也周禮攷工記曰中其莖設其後

周禮以下王刪

惠補周禮攷工記

桃人疏

困窮而通井居其所而遷巽稱而隱履

以和行謙以制禮復以自知恆以一德損以遠害益

以興利困以寡怨井以辨義巽以行權易之爲書也

不可遠爲道也屢遷變動不居周流六虛上下无常
剛柔相易不可爲典要唯變所適其出入以度外內
使知懼又明於憂患與故无有師保如臨父母初率
其辭而揆其方既有典常苟非其人道不虛行易之
爲書也原始要終以爲質也六爻相雜唯其時物也
其初難知其上易知本末也初辭擬之卒成之終若
夫雜物算德釋文**[注]**算數也同辯是與非則非其中爻
不備噫亦要存亡吉凶則居可知矣居音基 釋文
惠多也字知者觀其彖辭**[注]**彖辭爻辭
其居作惠補**[注]**居辭釋文

也同上則思過半矣

二與四同功而異位其善不同二多譽四多懼近也
柔之爲道不利遠者其要无咎其用柔中也三與五
同功而異位三多凶五多功貴賤之等也其柔危其
剛勝邪易之爲書也廣大悉備有天道焉有人道焉
有地道焉兼三才而兩之故六六者非它也三才之
道也道有變動故曰爻爻有等故曰物物相雜故曰
文文不當故吉凶生焉易之興也其當殷之末世周
之盛德邪當文王與紂之事邪注據此言以易是惠
是文王所作斷可知矣左傳昭二年正義又左傳序
字是文王所作是故其辭危危者使平易者使傾其道甚大
王所作

百物不廢懼以終始其要无咎此之謂易之道也

夫乾天下之至健也德行恆易以知險夫坤天下之

至順也德行恆簡以知阻能說諸心能研諸侯之慮

定天下之吉凶成天下之亹亹者注亹亹沒沒也釋

沒沒王作汲汲丁小正云鄭注前文亹亹云是故變化云

為吉事有祥象事知器占事知來天地設位聖人成

能人謀鬼謀注鬼謀謂謀卜筮於廟門惠誤連引是

禮士冠百姓與能八卦以象告爻彖以情言剛柔雜

居而吉凶可見矣變動以利言吉凶以情遷是故愛

惡相攻惡鳥洛反姚而吉凶生遠近相取而悔吝生

情僞相感而利害生凡易之情近而不相得則凶或
害之悔且吝將叛者其辭慙中心疑者其辭枝吉人
之辭寡躁人之辭多誣善之人其辭游失其守者其
辭屈

繫辭下第八終

文言第九

周易

漢鄭氏注 宋王應麟撰集

歸安丁 杰後定

武進張惠言訂正

元者善之長也亨者嘉之會也利者義之和也貞者

事之幹也君子體仁足以長人注體生也文選陸士衡贈顧交

陸公真詩注 惠言謂生仁不辭荀爽京房之本仁皆作信或疑鄭本仁作人也嘉會足以

合禮利物足以和義貞固足以幹事君子行此四德

者故曰乾元亨利貞

初九曰潛龍勿用何謂也子曰龍德而隱者也不易

乎世不成乎名注當隱之時以從世俗不自殊異無

所成名也集解遯世无悶不見是而无悶樂則行之憂

則違之確乎其不可拔注確堅高之貌姚補拔移也

釋文潛龍也九二曰見龍在田利見大人何謂也子曰

龍德而正中者也庸言之信庸行之謹閑邪以存其

誠晁氏善世而不伐德博而化易曰見龍在田利見

大人君德也九三曰君子終日乾乾夕惕若厲无咎

何謂也子曰君子進德脩業及時故无咎同忠信所

以進德也脩辭立其誠所以居業也知至至之可與

幾也知終終之可與存義也是故居上位而不驕在

下位而不憂故乾乾因其時而惕雖危无咎矣九四

曰或躍在淵无咎何謂也子曰上下无常非爲邪也
進退无恆非離羣也君子進德脩業欲及時也故无
咎九五曰飛龍在天利見大人何謂也子曰同聲相
應同氣相求水流濕火就燥雲從龍風從虎聖人作
注作起也釋文而萬物覩本乎天者親上本乎地者親
下則各從其類也上九曰亢龍有悔何謂也子曰貴
而无位高而无民賢人在下位而无輔是以動而有
悔也

潛龍勿用下也見龍在田時舍也終日乾乾行事也
或躍在淵自試也飛龍在天上治也亢龍有悔窮志

原補

災也

易晁氏

乾元用九天下治也

潛龍勿用陽氣潛藏見龍在田天下文明終日乾乾與時偕行或躍在淵乾道乃革飛龍在天乃位乎天德亢龍有悔與時偕極乾元用九乃見天則

乾元者始而亨者也利貞者情性也

晁氏易漢上易傳

乾始

而以美利利天下

易晁氏

不言所利大矣哉大哉乾乎

剛健中正純粹精也六爻發揮旁通情也時乘六龍以御天也雲行雨施天下平也

君子以成德爲行日可見之行也潛之爲言也隱而未見行而未成是以君子弗用也君子學以聚之問

以辯之寬以居之仁以行之易曰見龍在田利見大人君德也九三重剛而不中上不在天下不在田故乾乾因其時而惕雖危无咎矣九四重剛而不中上不在天下不在田中不在人故或之或之者疑之也故无咎夫大人者與天地合其德與日月合其明與四時合其序與鬼神合其吉凶先天而天弗違後天而奉天時天且不違而況於人乎況於鬼神乎亢之爲言也知進而不知退知存而不知亡知得而不知喪其唯聖人乎知進退存亡而不失其正者其唯聖人乎

坤至柔而動也剛至靜而德方後得主而有常含萬物而化光坤道其順乎承天而時行

積善之家必有余慶積不善之家必有余殃注殃禍

惡也

釋文

臣弑其君子弑其父非一朝一夕之故其所

由來者漸矣由辯之不早辯也易曰履霜堅冰至蓋言順也直其正也方其義也君子敬以直內義以方外敬義立而德不孤直方大不習无不利則不疑其所行也陰雖有美含之以從王事弗敢成也地道也妻道也臣道也地道无成而代有終也天地變化草木蕃天地閉賢人隱易曰括囊无咎无譽蓋言謹也

君子黃中通理正位居體美在其中而暢於四支發

於事業美之至也陰疑於陽必戰爲其嫌於陽也故

稱龍焉

釋文云嫌鄭作謙此誤以鄭讀爲鄭本也又

其兼於陽也其無无字亦脫漢上易傳云鄭本作爲

注嫌

詩正義定作爲其嫌於陽也王本誤今依惠

讀如羣公謙之謙古書篆作立心與水相近讀者失

之故作謙謙雜也陰謂此上六也陽謂今消息用事

詩采薇正義今正

乾也上六爲蛇得乾氣雜似龍

義本嫌謙字互易孔

又云文言爲心邊兼鄭似水邊兼稱血焉夫立黃者天地之雜也天立而地黃

則今本寫誤可知今從惠定本

文
言
第
九
終

說卦第十

周易

漢鄭氏注 宋王應麟撰集

歸安丁 杰後定

武進張惠言訂正

昔者聖人之作易也注昔者聖人謂伏羲文王也書

序正幽贊於神明而生蓍參天兩地而倚數注天地

之數備於十乃三之以天兩之以地而倚託大演之

數五十也必三之以天兩之以地者天三覆地二載

欲王作必幾多極於數庶得吉凶之審也正義觀變於陰

陽而立卦發揮於剛柔注揮揚也釋而生爻和順於

道德而理於義窮理盡性以至於命注言窮其義理

盡惠多人之情性以至於命吉凶所定文選陸士衡
其字
注
弔魏武帝文

昔者聖人之作易也將以順性命之理是以立天之

道曰陰與陽立地之道曰柔與剛立人之道曰仁與

義兼三才而兩之故易六畫而成卦注三才天地人

之道六畫畫六爻儀禮士冠禮疏分陰分陽迭用柔剛故易

六位而成章

天地定位山澤通氣雷風相薄注薄入也釋文水火不

相射八卦相錯數往者順知來者逆是故易逆數也

雷以動之風以散之雨以潤之日以烜之艮以止之

兌以說之乾以君之坤以藏之帝出乎震齊乎巽相
見乎离致役乎坤說言乎兌戰乎乾勞乎坎成言乎
艮萬物出乎震震東方也齊乎巽巽東南也齊也者
言萬物之絜齊也离也者明也萬物皆相見南方之
卦也聖人南面而聽天下嚮明而治蓋取諸此也坤
也者地也萬物皆致養焉故曰致役乎坤兌正秋也
萬物之所說也故曰說言乎兌戰乎乾乾西北之卦
也言陰陽相薄也坎也者水也正北方之卦也勞卦
也萬物之所歸也故曰勞乎坎艮東北之卦也萬物
之所成終而所成始也故曰成言乎艮

注

萬物出於

震雷發聲以生之也齊乎義海撮要作於巽相見於商義海

無此風搖長義海撮要作動以齊之也潔惠改猶新義海撮要此下

有也字又有萬物皆相見日照之使光大萬物皆致

養焉義海撮要無焉字地氣含養使有秀實義海撮要作萬

物之所說草木皆老猶以澤氣說成之數言陰陽相

薄西北陰也而乾以純陽臨之猶君臣對合也坎勞

卦也水性勞而不倦萬物之所歸也萬物自春出生

於地冬氣閉藏還皆入地萬物之所成終而所成始

言萬物陰氣終陽氣始皆艮之用事義海撮要有也

海撮坤不言方所者言地之養物不專一也正

神也者妙萬物而為言者也

惠改妙作眇案釋文王肅董遇作眇董云眇成

也鄭注云共成萬物則義與董同惠改為眇非妄但以無明據姑從鄭文

注共成萬物物

不可得而分故合謂之神

漢上易義海撮要

動萬物者莫疾

乎雷撓萬物者莫疾乎風燥萬物者莫熯乎火說萬

物者莫說乎澤潤萬物者莫潤乎水終萬物始萬物

者莫盛乎艮

盛音成釋文

注盛衰也

同上

王本及音訓會通並誤作裏也

故水火相逮

釋文云鄭無不字

雷風不相悖山澤通氣然後

能變化既成萬物也

乾健也坤順也震動也巽入也坎陷也離麗也艮止

也兌說也

乾為首坤為腹震為足巽為股坎為耳離為目艮為

手兌為口

漢上易云鄭本此注兌為口兌上開似口章在乾為馬之前

漢上易

乾為馬坤為牛震為龍巽為雞坎為豕離為雉艮為

狗

周禮秋官序官疏引說卦艮為狗艮卦在丑艮為

止以能吠守止人則屬艮以能言則屬兌兌為言故也此與鄭義合王附卷末臧在東云當剛以能以字及則屬艮以下附於注惠言謂以能言則屬兌亦必是易義不然賈為秋官言但當云屬艮兌為羊注不當取兌象也然疏不言注文唯約義耳

其畜好剛鹵

周禮夏官羊人序官疏

乾天也故稱乎父坤地也故稱乎母震一索而得男

故謂之長男巽一索而得女故謂之長女坎再索而

得男故謂之中男离再索而得女故謂之中女艮三

索而得男故謂之少男兌三索而得女故謂之少女

乾為天注天清明无形漢上為園為君為父為玉為

金為寒為冰為大赤為良馬為老馬為瘠馬注凡骨

為陽肉為陰同為駁馬為木果

坤為地為母為布為釜為吝嗇為均內則注云易說卦坤為均今亦

或作旬也周禮地官均人疏云為子母牛為大輿為

文為衆為柄其於地也為黑

震為雷為龍注龍讀為左取日出時色雜也漢上為

玄黃為專市戀反市姚作為大塗注國中三道曰

守惠作布

釋文

塗震上值房心塗而大者取房有三塗焉

漢上易

為長

子為決躁為蒼筤竹為萑葦

注

竹類

同

其於馬也為

善鳴為馵足為作足為的顙其於稼也為反生

惠補而反出也

同上

其究為健為蕃鮮

巽為木為風為長女為繩直為墨

晁氏

為工為白為

長為高為進退為不果為臭其於人也為寡髮

寡王改作

宣周禮考工記車人一矩有半謂之宣注巽為宣髮

疏云易作寡不作宣者宣寡義通据此疏文則王改

非也注寡髮取四月靡草死髮在人體猶靡草在地

禮

攷工記

為黃顙

釋文

漢

為多白眼為近利市三倍

其究為躁卦

坎為水為溝瀆為隱伏為矯輳釋文為弓輪其於人也

為加憂為心病為耳痛為血卦為赤其於馬也為美

脊為亟心為下首為薄蹄為曳其於輿也為多眚為

通為月注臣象也文選謝希逸月賦注為盜其於木也為堅多

心

離為火為日為電注取火明也惠補久明似日暫明似電

也集解為中女為甲冑為戈兵其於人也為大腹為乾

卦注乾當為幹此句又見漢上易叢說陽在外能幹

正也釋文為鼃為蟹為羸為蚌為龜注骨在外疏云注皆云骨

在外惠以皆字為注文非也周禮考工記梓人疏藝文類聚九十六及御覽九百四十一引離為羸

注云剛其於木也為科上稟惠作藁注科上者陰在

內為疾漢上艮為山為徑路注田間之道曰徑路艮

為之者取山間鹿兔之蹊初學記為小石為門闕為

果蓏為閭寺為小指晁氏為狗為鼠為黠喙之屬釋

音訓會通云陸作黠並注謂虎豹之屬貪冒之類釋

易叢說取其為山獸漢上易其於木也為堅多節

兌為澤為少女為巫為口舌為毀折為附決其於地

也為剛鹵為妾為陽王弼本注此陽謂為音訓無養

臧在東云此陽謂為養謂當作讀釋文云虞作羔虞

注為女使義與鄭同亦當作養虞云舊讀為羊已見

上此為再出非孔子義也使作羔為小羊仍再出矣

蓋舊讀為羊及鄭本作陽皆聲近之譌釋文載虞本

爲羔則養字之
脫其下半耳
无家女行賃炊爨今時有之賤於妾
也
晁氏易
漢上易

說卦第十終

序卦第十一

周易

漢鄭氏注——宋王應麟撰集

歸安丁 杰後定

武進張惠言訂正

有天地然後萬物生焉盈天地之間者惟萬物故受之以屯屯者盈也屯者物之始生也物生必蒙故受之以蒙蒙者蒙也物之穉也注蒙幼小之貌齊人謂

萌為蒙也集解凡兩見一序卦注一分附卦前下云卦前注者皆仿此物穉不可

不養也注言孩穉不養則不長也同上故受之以需需

者飲食之道也飲食必有訟故受之以訟注訟猶爭

卦前注也言飲食之會胡惠謨恆多爭也集解序訟

必有衆起故受之以師師者衆也衆必有所比比者

比也比必有所畜故受之以小畜物畜然後有禮故

受之以履履然後安故受之以泰晁氏易云無泰者

通也物不可以終通故受之以否物不可以終否故

受之以同人與人同者物必歸焉故受之以大有有

大有不可以盈上同故受之以謙有大而能謙必豫故

受之以豫注言同卦前注作國惠改同從國惠言謂

無取國作既大而有謙德卦前注作能則於政事恬

豫雷出地奮豫卦前注不行出而喜樂之意集解

注豫必有隨注喜樂而出人則隨從孟子曰吾君不

游吾何以休吾君不豫吾何以助此之謂也正義故受

之以隨以喜隨人者必有事故受之以蠱蠱者事也

有事而後可大故受之以臨臨者大也物大然後可

觀故受之以觀可觀而後有所合故受之以噬嗑噬

者合也物不可以苟合而已故受之以賁賁者飾也

致飾然後亨則盡矣亨許兩反釋文故受之以剝剝者剝

也物不可以終盡剝窮上反下故受之以復復則不

妄矣故受之以无妄有妄物然後可畜故受之以

大畜晁氏物畜然後可養故受之以頤頤者養也不

養則不可動故受之以大過注以養賢者宜過於厚

正義物不可以終過故受之以坎坎者陷也陷必有所麗故受之以離離者麗也

有天地然後有萬物有萬物然後有男女有男女然後有夫婦然後有父子有父子然後有君臣有君臣然後有上下有上下然後禮義有所錯夫婦之道不可以不久也

注言夫婦當有終身之義夫婦

之道謂咸恆

卦前注也 集解 卦前注

故受之以恆恆者久

也物不可以終久於其所故受之以遯

晁氏

遯者退

也物不可以終遯故受之以大壯物不可以終壯故受之以晉晉者進也進必有所傷故受之以明夷夷

者傷也傷於外者必反其家故受之以家人家道窮
必乖故受之以睽睽者乖也乖必有難故受之以蹇
蹇者難也物不可以終難故受之以解解者緩也緩
必有所失故受之以損損而不已必益故受之以益
益而不已必決故受之以夬夬者決也決必有所遇
故受之以遯遯者遇也物相遇而後聚故受之以萃
萃者聚也聚而上者謂之昇故受之以昇昇而不已
必困故受之以困困而上者必反下故受之以井井
道不可不革故受之以革革物者莫若鼎故受之以
鼎主器者莫若長子注謂父退居田里不能備祭宗

廟長子當親視滌濯鼎俎

禮記曲禮正義

故受之以震震者

動也物不可以終動動必止之故受之以艮艮者止也物不可以終止故受之以漸漸者進也進必有所歸故受之以歸妹得其所歸者必大故受之以豐豐者大也窮大者必失其居故受之以旅旅而无所容故受之以巽巽者入也入而後說之故受之以兌兌者說也說而後散之故受之以渙渙者離也物不可以終離故受之以節節而信之故受之以中孚有其信者必行之故受之以小過有過物者必濟故受之以既濟物不可窮也故受之以未濟終焉

序卦第十一終

雜卦第十二

周易

漢鄭氏注 宋王應麟撰集

歸安丁 杰後定

武進張惠言訂正

乾剛坤柔比樂師憂臨觀之義或與或求屯見而不

失其居

見如字 釋文

蒙雜而著震起也艮止也損益衰盛

之始也

釋文 引見音訓 會通今釋文無之

大畜時也无妄災也萃聚

而昇不來也謙輕而豫怠也噬嗑食也賁无色也兌

說而巽伏也

見氏 易

隨无故也蠱則飾也

釋文 王本 及音訓會通

也井通而困相遇也咸速也恆久也渙離也節止也

也井通而困相遇也咸速也恆久也渙離也節止也

解緩也蹇難也睽外也家人內也否泰反其類也大
壯則止遯則退也大有衆也同人親也革去故也鼎
取新也小過過也中孚信也豐多故釋文云衆家以此絕句親
寡旅也離上而坎下也小畜寡也履不處也需不進
也訟不親也大過顛也注自此以下卦音會通不協
似錯亂失正弗敢改耳易遘遇也柔遇剛也漸女
歸待男行也頤養正也既濟定也歸妹女之終也未
濟男之窮也夬決也剛決柔也君子道長小人道消
也易

雜卦第十二終